

Kalaallit meerartaat anigorsinnaanngisaminnik siulluuteqarlutillu tusaasinnaajunnaartarput

Kalaallit meerartaat siullunermik nappaateqalernissaminnut annertuumik ulorianartorsiorput. Anigorsinnaanngisamik siulluuteqarneq siutip igalaasata putoqalernera, maqisoorneq ataavartumillu tusillanneq meeqqat 6 %-iinit atugaavoq. Anigorsinnaanngisamik siulluuteqarnerup kingunerisarpaata avartumik tusaasarunneq tamannalu meeqqat oqalunniarnikkut inooqataanikkullu ineriartornerannut sunniuteqarsinnaavoq. Kalaallit Nunaanni taama annertutigisumik nammakkiisumik anigorsinnaanngisamik siulluuteqarneq peqatigisaanillu tusaasinnaanerup annikillisinneqartarnera pillugu iliuseqartoqariaqarpoq.

Tamanna Rigshospitalimi siutit, qinngat toqqusaakkullu pilattaanermik aammalu tusaasaqarnermullu nakorsiarfimmimi aamma Sjællands Universitetshospitalimi Køgemiittumi alleqqunik pilattaanermik immikkoortortaqaarfimmimi ilisimatuuat misissuinerit takuneqarsinnaavoq.

Misissuinerimi tassani meeqqat 207-nik amerlassusillit (nukappiaqqat 111-it nivarsiaqqallu 96-it) 4-10-nik ukiullit Nuummi Ilulissanilu inunngorsimasut peqataasut ilanngunneqarsimapput. Meeqqat taakku siutaasigut isaannarmik takuneqarsinnaanngitsumik misissorneqarsimapput, siutaasa naqitsineri uuttorneqarlutillu nipinik 500 hz – 6000 hz akornanni tusaasinnaanerat misilinneqarsimavoq.

Ilisimatuuat misissuinerup taassuma takutissimavaa anigorsinnaanngisamik siulluuteqarneq Kalaallit meerartaasa akornanni 5,8 %-iinit atugaasoq allannguuteqarani qaffasissuseqarluni. Meeqqat 13,9 %-ii siutimikkut seerisoqarput aammalu meeqqat 61,4 %-ii siulluuteqarnermik kingunerisaanik igalaasamikkut allannguuteqarsimallutik, soorlu assersuutigalugu igalaasaat putusimallutik siutimikkullu seerisoqarlutik. (Takuuk assilisaq 1.) Meeqqat peqataasut affaat sinnerlugit (56,5%-it) siutimik illuanik annikitsumik tutsarlulersimapput (15db qaangerlugu) 13,4 %-illu siutimik illuanik ingasanngitsumik tutsarlulersimapput 25 db qaangerlugu), kiisalu 6,5 %-ii illugiimmik ingasanngitsumik tutsarlulersimallutik (25db qaangerlugu). Meeqqat annermik anigorsinnaanngisaminnik siulluuteqartut, siulluummillu nappaateqarnermik kingunerisaanik siutimikkut maqisoortut allanngorsimasunillu igalaasallit meeqqanut pisisissamisoortunik igalaasalinnut naleqqiullutik annertuumik tutsarlulersimasuupput (Takuuk assilisaq 2).

Kalaallit Nunaanni inuuniarnikkut atugarisat pitsanngoriarsimagaluartut meeqqat akornanni anigorneqarsinnaanngitsumik siulluuteqartarnerup 1996-ip kingorna allannguuteqarsimanngilaq taamanikkut Nuummi siulluuteqakulasut 6,8 %-iunerisa nalaani. Anigorsinnaanngisamik siulluuteqartarnerup avartumik malunnaatilimmillu 30-35 db-inik tutsalulernermik kinguneqartarmat anigorneqarsinnaanngitsumik siulluuteqarneq annertunerusumik ukkatarineqartariaqarpoq. Pisisissamisoortumik tusaasaqarsinnanep inooqataanikkut poqissutsikkullu ineriartornermut kiisalu oqaatsinik pingaernerit tulliiinik ilikkariartornissamat pingitsoorneqarsinnanngilaq. Taamaattumik kaammattuutigaarput aammalu kalaallit meerartaasa akornanni nappaammik uummaarissumik suussusersiorneq ingerlanneqartariaqartoq. Innuttaasunit allanit soorlu Australiamini nunap inoqqaavi ulorianartorsiuuttunit ilitsersuutitut malitassiat Kalaallit Nunaanni ilitsersuutinik malitassiornermi isumassarsiorfigineqarsinnaapput.

Anigorneqarsinnaanngitsumik siulluuteqarneq inooqataanikkut equngalersitsinermik kinguneqarpoq nakorsartittarnermi oqartussaasut ilaqutariillu akornanni pitsaanerusumik attaveqatigiittoqarnissaa pisariaqarpoq. Nappaat pillugu pitsaaliuinermik suliniuteqarneq paasisstissiinerillu pissutsit pitsaanerulersinnaavai. Canadap avannaani naggueqatigiit inuit akornanni klassini atuartsiviusuni nipinik nipittorsaasiineq pitsaasumik sunniuteqarsimavoq tamannalu Kalaallit Nunaanni atuarfinnik aamma eqqunneqarsinnaavoq.

Naggasiutitut oqaatigineqassaaq Kalaallit Nunaanni meeqqat inersimasullu igalaasamikkut putoqarnertik pillugu siutimikkut suliarittartut aningaasaqarnikkut iluatinnaatilimmik kinguneqarsimavoq. Taamaattumik taamatut suliarittarnerit Kalaallit Nunaanni ingerlatiinnartariaqarput.

Najoqqutarineqartut: Magnus Balslev Avnstorp, Preben Homøe, Peter Bjerregaard og Ramon Gordon Jensen: "Chronic suppurative otitis media, middle ear pathology and corresponding hearing loss in a cohort of Greenlandic children." Int J Pediatr Otorhinolaryngol. 2016 Apr;83:148-53.

Attavissat:


Magnus Balslev Avnstorp: magnusavnstorp@gmail.com Reservelæge, Øre-næse-halskirurgisk og Audiologisk Klinik, Rigshospitalet

Ramon G. Jensen: ramon@dadlnet.dk, 1. reservelæge, Øre-næse-halskirurgisk og Audiologisk Klinik, Rigshospitalet

Preben Homøe: prho@regionsjaelland.dk, professor, overlæge, Øre-næse-hals og Kæbekirurgisk afdeling, Sjællands Universitetshospital, Køge, Tlf: 40879765


Assilissat

Assiliaq 1 – anigorsinnaangisaminnik siulluuteqarlutup siutaa mikroskopikkut.



Anigorsinnaangisaminnik siulluuteqartut annertunerusumik siutip igalaasaasigut putulik aamma saaneq kaataasaq ilaatigu peernikoq.

Assiliaq 2 – Siullunermik nappaat tassungalu atatillugu tusaasinnaajunnaarneq kalaallit meerartaasa 4-10-nik ukiullit tusaasinnaassusaat. Tusaasinnaassutsip annikinnerpaartaa decibel (dB) atorlugu nalunaarsorpaa.



Anigorneqarsinnaangitsumik siulluuteqarnermi siulluuteqannginnermut sanilliukkaanni tusaasinnaaneq malunnaatilimmik ajorseriarsimavoq